



**Regale Sacerdotium Romano Pontifici Assertum**

**Sfondrati, Celestino**

**[Sankt Gallen], 1684**

§. XIX. Quando, quibusque ex causis in particulari possit S. Pontifex  
potestatem in Magistratus & Principes sœculares exercere?

---

[urn:nbn:de:hbz:466:1-63125](#)

P. Coto. *Mutaretur nobis cum cœlo animus, sentiremus ut Roma.*

Senatus. *Præcisè (amabo) procūlque ambagibus, & subterfugio: quid censem Societas vestra (ut universa est) de Romana Sedi in Reges potestate?*

Ad hæc P. Cotto *Communicandi cum sociis facultatem petit. Dat* tur *facultas, communicant, paullòq; pòst redeunt in hæc verba.* P. Coto. *Nobis cum Sorbona & Gallia Clero erit assensus in idem doctrinæ uni-* vocis.

Senatus. *Explicate apertius mentem vestram, quanam est hac Sorbona, quam probatis.*

P. Coto. *Sit tempus exiguum conceditis nobis, dabimus ex scripto* sententiam, *in quam vix est modo, ut conveniamus per angustiā temporis.*

Postquam triduo deliberaverant, præcipui è Societate ad Regem missi, palam abdicant Santarelli doctrinam publico instrumento in hæc verba concepto.

*Nos sub signati decliramus Santarellum perperam de Regibus Georum auctoritate scriptisse, quam diffitemur doctrinam; agnoscimus & prosciemur Regum immediatam esse à Deo potestatem, independensq; ipsis ius esse in subditos; cui sententia, ut vera, nostro omnium sanguine subscribitur si opus, non secus ac censuris, si qua à Clero Gallico aut Sorbona in ejusmodi libros edentur. Promittimus insuper futuram nobis post hac unam, & eandem super ea quæstione cum Sorbona, Clero, & Regni Gallici Academiis sententiam. Actum Lutetiae. 16. Martii. Anno MDCXXVI.*

Non multò pòst P. Coto in Provincia Parisensi Provincialis, tœdio interrogatoria actionis, quâ præcipui è societate extra ordinem pulsati fuerunt, morbo corripitur, fatique legem implet. Hactenus loco citato Gramondus.



### §. XIX.

#### Summarium unicum.

*Quando, quibüsque ex causis in particulari possit S. Pontifex potestatem in Magistratus & Principes* *seculares exercere?*

Kk 2

Elegan-



Legantem de hac re textum habemus in Decretali ab Innocentio III. data c. per venerabilem 13. qui filii sint legitimi. Ubi summus Pontifex inter alia sic loquitur: Non solum in Ecclesiae Patrimonio, verum etiam in aliis regionibus certes causis inspectis temporalem jurisdictionem casualiter exercemu, non quod alieno iuri prajudicare velimus, sed quia, &c.

Si vero queras, quinam ergo sint casus in particulari, in quibus S. Pontifex casualiter, ut habet textus, hoc est, indirecte, & potestate extraordinariâ tantum possit jurisdictionem in materia, alioquin saecularibus Principibus subjecta exercere.

*Resp.* Varios in jure Canonico describi: 1. Deficiente Magistratu & judice saeculari, qui justitiam administret. c. licet ex suscep. 10. de foro comp. 2. Cum judex saecularis officio suo ritè, & secundum jura non fungitur, tunc enim Pontifici Romano incumbit curare, ne innocentes & justitia succumbant, citato e. licet ex suscep. 3. Si per viam denuntiationis Evangelicæ ad Ecclesiam causa deferratur, tanquam ad commune asylum. c. novit. de judic. 4. Si Magistratus saecularis leges feret contra jus divinum aut Naturale, aut Ecclesiæ noxias, pertinet ad potestatem Pontificiam eas corrige, & contrariis legibus abrogare, quam ratione videmus leges civiles quam plurimas a SS. Pontificibus mutatas, correctasque, v. g. Jure civili permittitur matrimonium inter fratrum, aut Sororum liberos. *Instit. de Nupt.* Sed prohibetur in c. non debet. de consang. Lege civili, quæ secundò nubunt, variis poenit afficiuntur L. 1. Cod. de 2. nupt. Sed jus Canonicum poenas, quæ in odium repetiti matrimonii sunt latæ, tollit c. cum secundum. de secundis nuptiis. Jure civili multas ob causas repudia sustinentur. L. consensu Cod. de repud. Sed jure Canonico prohibentur c. sunt qui 27. q. 2. & c. lege dist. 10. Jus civile concubinatum admittit Cod. de concub. non admittit jus Canonicum c. nemo blandiatur sibi. c. meretrices. 32. q. 4. Jure civili natis ex incestu aliove damniato congressu alimenta non debentur, debentur jure Canonico. c. cum haberet. de eo qui duxit in matrem. De jure civili professor malæ fidei longo tempore prescribit. L. cù notissimi. C. de prescriptionibus 30. vel 40. anno: um. Non prescribit jure Canonico c. ultimo de prescriptionibus. Testamentum de jure civili non valet nisi presentibus 7. testibus, sed jus Canonicum hanc legem damnat expungitque

c. cum

cum esses. c. relatum de testamentis. Denique lex civilis maleficos, qui venenis, malisque artibus Reipublicæ nocent, punit quidem, sed qui imbres, ventos, grandines incantationibus abigunt, non tantum non punit, sed præmio donat. *L. eorum 4. Cod. de malef.* Quæ omnia sacris Canonibus damnata sunt, & videri possunt quam plurimi textus causa 26. q. 2. & S. Thomas 2. 2. q. 96. & *Novella Leonis 65.* Sunt tamen qui velint in *L. eorum. 4. cit.* non approbati magicas incantationes, sed sacras agrorum lustrationes, quæ per publicas preces & supplicationes ac sanctorum suffragia fieri solebant, juxta Novellam 123. c. 32. 5. Princeps sœcularis jure naturali, & spectato genere suæ potestatis potest subditis suis impedimenta matrimonii dirimentia statuere, ex qua enim parte matrimonium est contractus, subjacet potestati & legibus civilibus, & quantumvis elevatum fuerit ad numerum Sacramentorum, non ideo tamen amisit naturam contractus, & subordinationem ad potestatem civilem; sicut enim matrimonium ut contractus admittit nova impedimenta à Magistratu Ecclesiastico, quale est impedimentum Clandestinitatis, non obstante ratione Sacramenti, quod immutabile est; ita etiam à Magistratu civili, & expressè docet S. Thomas 4. contra Gentes c. 78. Sanchez. lib. 7. de matrim. disp. 3. n. 2. Nihilominus tamen Ecclesia hujus potestatis usum Principibus sœcularibus interdixit, sibique reservavit, sicut patet ex c. iuam. de ord. cognat. c. 1. de sponsalib. c. Euphemium. 2. q. 3. c. multorum 35. q. 6. Et novissimè Trid. sess. 24. de matrim. cap. 3. 4. Et Can. 12. Et potuisse quoad hoc Ecclesiam coercere potestatem temporalem, eamque moderari propter bonum spirituale, & gravia incommoda, quæ alioqui sequebantur, expressè agnoscunt duo celeberrimi & sanctissimi in Gallia Doctores videlicet D. Thomas & S. Bonaventura. An verò consuetudine nova possint impedimenta induci, an antiqua abrogari? Vide Sanchez lib. 7. disp. 4. de matrim.

